




с. 1





ARREST

DONNEE PRO-
NONCE ET EXECUTE

par monsieur le President de Mets
en vertu d'une Commission parti-
culiere de sa Maiesté, à l'encontre
de l'Euesque de Verdun, pour vn
pretendu Monitoire & Excommu-
nication par luy faits a l'occasio de
la Citadelle bastie audit Verdun.

Ensemble le contenu du pretendu Moni-
toire & Excommunication.



A TOVRS.

Chez Ph. POVLARD, Imprimeur, demeu-
rant rue de la Sellerie, à l'Oyson bridé.

M. DC. XXVII.

THEATRE
LIBRARY


X

650
F

39

326

1627m2



VE V par nous Michel Charpentier Conseil-
lier du Roy en ses Conseils d'Estat & Priué,
Presidēt pour sa maiestéés villes, pays & Gouver-
nement de Mets, Toul, & Verdun: Les lettres de
cōmission de S. M. du 20. Ianuier dernier, signees
Louys. & plus bas Potier, & sceellees du grand
sceau. Par lesquelles il nous est mādē de nous trās-
porter en ladite ville de Verdun, incontinent & le
plus dsligemment que faire se pourra, pour en
vertu de nostre Commissiō & pouuoir ordinaire,
& de celuy qui nous est expressement attribué par
ladite cōmission, proceder au iugemēt de l'appel
comme d'abus, interietté par le Procureur du Roy
audit Verdun, des pretendus Monitoire & Excō-
munication publiques & affichees en ladite ville de
Verdun pendant le mois de Ianuier dernier, la-
quelle requeste à nous presentee par le Substitut
dudit Procureur du Roy le 14. Ianuier du present
mois, par laquelle il nous auroit remonstré qu'
iceluy Procureur du Roy & luy son Substitut au-
roient interietté appel comme d'abus, & dont en-
cor' il appellent desdits pretendus Monitoire &
Excommunication. signee François de Lorraine,
publiees & affichees en ladite ville de Verdun les
1. & 3. iour de Ianuier dernier, pour estre lesdits
pretendus Monitoire & Excommunication rem-
plis d'impostures & faux faictz tendans à scandale
sedition, rebellion, & à esmouuoir le peuple au
preindice de l'autorité du Roy, repos & trā-
quillité publique, & à ceste fin requis nos lettres

de commission pour faire adiourner & inthimer ledit François de Lorraine Euesque de verdun, & tous autres qu'il appartiendra pour proceder sur ledit appel comme d'abus, & respondre à toutes fins & conclusions qu'il entend prendre pour raison de ces circonstances & dependances, nostre Commission dudit iour 4. du present mois ausdites fins, l'exploit desdits iours & an de Girardin Huissier royal audit verdun, portant la signification de ladite commission, & adiournement donné audit François de Lorraine au Lundy 8. desdits mois & an, huiet heures du matin, en la Salle de la Maison du Roy, audit verdun, deffaut dudit iour 8. feurier par nous donné audit Procureur du Roy audit verdun, & requerant à l'encontre dudit François de Lorraine Euesque de verdun non comparant, ny autre pour luy, par vertu duquel au rions ordonné qu'iceluy François de Lorraine seroit readiourné au 12. dudit present mois huiet heures du matin en ladite salle de la maison du Roy audit verdun, pour voir adjuger le profit dudit deffaut & faire droit sur les conclusions prises & à prendre par ledit Procureur general du Roy, & intimation à peine d'exploict. Autre commission dudit iour 8. du present mois: en execution d'iceluy deffaut. L'exploict desdits iour & an: signé Estienne Huissier royal, de la signification d'icelle commission: & readiournement donné audit François de Lorraine, Euesque de verdun: en consequence d'icelles: deffaut pur & simple dudit iour 12. de ce mois par nous donné audit Procureur general du Roy: à l'encontre dudit François de Lorraine non comparant ny autre pour luy par vertu duquel: & de l'aduis des Conseillers

du Roy & autres Aſſeſſeurs graduez: nous aſſiſtās
au nombre porté par les Ordonnances & regle-
ments: Aurions ordonné que ledit Procureur ge-
neral du Roy plaideroit preſentement: pour luy
eſtre faiſt droit ainſi que de raiſon, & à l'inſtant
ledit Procureur general du Roy ayant plaidé &
conclud audit appel comme d'abus, comme auſſi
ſur vn autre appel comme d'abus par luy interjet-
té en ſon plaidoyé, touchant la pretendue vñion
de l'Abbaye de S. Vannes à l'eueſché dudit verdū:
mentionnez audit pretendu Monitoire; Aurions
ordonné que ledit Procureur general du Roy met-
troit par deuers nous ſes conſolutions deſſinitives
& autres pieces par luy representees en playdant,
pour en eſtre preſentement delibéré audit Coſeil.
Peu auſſi leſdites pieces à nous representees par le
dit Procureur general du Roy. A ſçauoir leſdits
pretendus Monitoire & Excommunication des
dernier iour de l'an 1626. & 12. Iāuier de la preſē-
te année, les Arreſts des 1. & 3. iours de Iauiet
dernier, par leſquels il a eſté ordonné que leſdits
pretendus Monitoire & Excōmunication ſeroiēt
leuez & oſtez, exploit de la leuee deſdits preten-
dus Monitoire & Excommunication, l'extraict
de ce qui s'eſt trouuē eſcrit au bas d'un Tableau
appoſe en l'année 1582. en vn pillier de la Neſe de
l'Egliſe Cathedralle dudit Verdun, par le Cha-
pitre de ladite Eglise, en l'honneur & memoire
des deſſuncts ſieurs de Loſſe, pere & ſils, Gou-
uerneurs & Lieutenans generaux audit verdun,
par leſquelles ledit ſieur de Loſſe ſils eſt qualiſié
gouuerneur de la Citadelle dudit verdun: Noſtre
procez verbal des 1. 3. 4. 5. 6. 7. 9. 10. 11. & 12. du-
dit preſent mois, de ce qui s'eſt faiſt & paſſé audit

verdun en execution de nostredite Commission,
 leldites conclusions definitiues dudit Procureur
 general du Roy, & tout consideré, & del'aduis
 deldicts Conseillers du Roy, & Assesseurs,
 nous auons dit, disons, leldits deffauts auoir esté
 bien & deuement obtenus, & adiugeans le profit
 d'iceux, & faisant droit sur ledit appel comme
 d'abus, qu'il a esté mal nullement & abusiuement
 decerné par ledit François de Lorraine Euesque
 de verdun, publié & affiché, & executé par Ordō-
 nance, bien appellé par ledit Procureur general.
 Auons celsé & reuoké, & annullé les actes des-
 dits pretendus Monitoire & excommunication
 signez François de Lorraine, comme abusifs, scan-
 daleux, remplis d'impostures, & faux faicts, pre-
 iudiciales à l'autorité du Roy, repos & trāquil-
 lité publique. Et ordonné que leldits actes deldits
 pretendus Monitoire & excommunication serōt
 lacerez & bruslez en la place publique de ceste
 ville par l'executeur de la haute iustice: & que si
 desdits actes ils se trouue quelque chose d'escrit
 & mis es registres & greffe dudit iuesché, il en sera
 tiré & osté, & tellement rayé & biffé que rien n'e
 puisse paroistre, ou estre leu à l'aduenir. Auons
 fait & faisons inhibitions tres-expresses: & des-
 fences à toutes personnes de quelque qualité &
 condition qu'ils soient: de retenir aucunes copies
 deldits actes deldits pretendus Monitoire & ex-
 communication, ains leur enioignons de les ap-
 porter pardeuant nous 24. heures apres la pro-
 nonciation dudit Arrest pour estre supprimez:
 mesmes à tous Curez: vicaires & autres ecclesia-
 stiques de les receuoir publier ou souffrir publier
 sous peine d'estre punis comme criminels de leze

Maieſté : & pour reparation d'un tel attentat com-
 mis par iceluy Francois de Lorraine eueſque de
 verdun, Ordonné qu'il ſera mené ſous bonne &
 ſeuſe garde en la ville de Paris en la Baſtille pour
 ſatisfaire S. M. & iuſques à ce: le reuenü de tous
 ſes benefices & autres biens mis ſous la main du
 Roy & regis par Commiſſaire: comme auſſi tous
 les Offices du temporel de l'eueſché & Comté du
 dudit verdun, & autres benefices ſerôt exercez ſous
 la main du Roy ſelon la forme qui ſera par nous
 ordonnee, & condamnons ledit francois de Lor-
 raine eueſque dudit verdun à cent mil liures d'a-
 mende enuers S. M. Ordonnons qu'à la diligence
 dudit Procureur general du roy il ſera plus am-
 plement informé des complices, fauteurs & adhe-
 rans audit attentat: pour eſtre procedé extraordi-
 nairement contre eux ſelon la rigueur des Ordon-
 nances: comme perturbateurs du repos public.
 Auons receü & receuons ledit Procureur general
 appellant comme d'abus de ladite pretendue vñion
 de l'Abbaye des vannes audit Eueſché: & à ſa di-
 ligence ſera ledit Francois de Lorraine eueſque de
 verdun adiourné au premier iour pour proceder
 ſur ledit appel ainſi qu'il appartiendra: ſigne M.
 Charpentier. Prononcé ce iour d'huy 13. feurier
 1627. à l'heure de midy en ladite ſalle de la Maiſon
 du Roy: par moy Greffier en cecette partie ſoubs-
 ſigne, & ledit iour & an 4. heures de releuee ledit
 preſent arreſt a eſte leu & public par moy Greffier
 ſuſdit en la place de l'eſtrapade dudit verdun & exe-
 cute en ce qui concerne la laceration & bruſlemēt
 deſdits pretendus monitoire & excommunicatiō
 ſignez Francois de Lorraine, mentionnez audit
 Arreſt: & copie d'iceluy Arreſt a eſte affichee par

7

les carrefours de ceste ville: à fin que personnen'e
pretende cause d'ignorance.

Signe Compagnot.

Prendu Monitoire & Excommunication de l'Euesque de Verdun.

François de Lorraine, par la grace de Dieu & du S.
siege Apostolique Euesque & Comte de Rodu, Prin
ce du S. Empire. A tous ceux qui ces presentes verront, Sa
lut. Comme ainsi soit que nostre cœur soit saisi d'une in
se apprehension du courroux de Dieu tout puissant, ven
que nous vanons à considerer les grandes entreprises &
châgemens qu'il a permis estre faits depuis peu de temps
en nostre Cité de Verdun, contre & au preiudice du bien,
liberté, priuileges, droits & immunités Ecclesiastiques
par occupation des maisons Religieuses ou dependances
d'icelles, tant en Iurisdiction, consues, rentes, redevances
& domaine: si est ce que cesté apprehensio nous afflige en
core d'autant plus que nous les voyons de iour à autre à
nostre grand regret continuer, croistre & multiplier à nos
yeux, sans que nos diligences & oppositions nous ayeut
peu iusques à present garantir des effects de semblable
nouueauté, partie desquelles a desja occasionné quelques
religieux se rotirer hors de leurs couués, autres tellement
retranchez dans leur Cloistre & Cellules par le retran
chement de leurs aïances & necessitez, qu'ils n'atten
dent que la ruine totale de leurs maisons & iurisdiction:
mais inseparablement à nostre Euesché & Comté, si par les
moyens ordinaires & autorité Ecclesiastique que Dieu
nous a mis en main, nous ne taschions selon le deub de na
stre charge, à l'aquit de nostre conscience faire reparer
les pertes & dommages causez si notoirement par telles
entreprises, & conseruer inuisolablement en son entier ce
qui reste des ja destiné, tant & affecté aux ruines pro

chaines. Sçauoir faisons à tous, que craignans irriter l'i-
re de Dieu contre nous d: qui nous tiens en depost la Iu-
risdiction Ecclesiastique, si nous ne nous mettons en de-
noir d'apporter les remedes conuenables selon les ordonnā
ces statuts & pratique de son eglise, à toutes semblables
entreprises faictes & à faire au preiudice de l'authorité
d'icell. Pour ces causes & autres tres iustes considera-
tions, de nostre auctorité ordinaire. Nous admonestons
vne fois: deux fois: trois fois tous & chacuns lesquels ont
entrepris sur les biens: bastimens: droitz: iurisdicions:
rentes & reuenus des Eglises: Conuents & Monastere de
cette nostre cité: sur peine d'excommunication à encourir
de mesme fait: qu'ils cessent & facent cesser les troubles
& empeschemens susdits dedans l'espace de six sepmai-
nes apres la notice des presents: desquelles six sepmai-
nes nous leur assignons les deux points le premier: deux
pour le second: & les deux autres pour le troisieme terme
peremptoire & Monition Canonique, en outre de repa-
rer, ou faire reparer lesdites entreprises, sur la mesme
peine d'excommunication à encourir de mesme fait dās
six mois: Nous nous assignons deux pour le premier, deux
pour le second, & les autres deux pour le troisieme ter-
me peremptoire & monition Canonique, en leur faisant
inhibitions & deffenses sur la mesme peine d'excommu-
nication que nous iettons dās à present comme pour lors
contre les contreuenans, d'entreprendre aucunement sur
lesdites eglises bastiments rentes reuenus & iurisdicions:
& de donner aucun conseil ayde & faueur publiquement
ny en cachette directement ou indirectement au preiu-
ice desdites eglises, monasteres, bastimens ou iurisdicions
& des presentes inhibitions & deffenses, en soy de quoy
nous auons signé les presentes & y fait apposer en pla-
cardle seel de nos armes, en nostre Cité de Verdun le der-
nier de l'an 1626. Ainsi signé,

Francois de Lorraine.

F I N.







